



1 4
1548
17



1548
17

入 譜 錄
湖 四 山



和
月
日
購
本

光緒三年
八喜齋刊

沈四山人詩錄序

道光乙未夏蚤起稚子應門拾得片紙字數行甚草草畧說甫里田事意若舉一隅以概其他謂非余無可言者然余置之數歲了不在念今歲丁未招甫里沈四山人來宿蔓菴乃知往歲片紙卽山人筆也余閉門後獨喜與玉松老人筆譚嘗使至余方飯客未卽復駭而來問云執事寡交一飯未嘗留俗客客何人亟欲知其姓名一識其面爲快今玉松老人已去世矣若知蔓菴有宿客當何如驚重邪山人自少力田甫里人稱其孝弟偶爲詩自怡悅而已不求人知宿余齋三十餘日未嘗一言及詩一日忽作夢

游山吟示余余覽之惘惘然固知山人不久留於世次日
病作返甫里兩月餘而卒遺詩一冊江君補松取以見寄
名之曰沈四山人詩錄沈四山人者余所稱也唐沈千運
嘗曰衡門之下可以棲遲有薄田園男稼女織偃仰今古
自足此生當時士流敬慕號爲沈四山人今山人亦行四
而志趣相類宜以爲稱因擬高適還山吟送沈四山人一
篇詒之又余初見山人時贈以一律有云奈何一相對猶
失古之奇古之奇亦唐人昔人稱其詩足幽閒澹遠之思
余此二語若爲之識云是爲序同郡潘曾沂

沈山人事畧

山人姓沈氏諱謹學字詩華又字秋卿居甫里之西北二
里其聚曰楓莊實郡之元和人家世農業自其父明德以
力耕致豐給始延里儒教二子長立學字醉餘次卽山人
山人少警異讀書務得領要然不喜舉子章句之學獨爲
歌詩以陶冶風物發抒襟抱蓋其天性能之故終其身雖
窮不廢且益工也初山人之孤也醉餘肩農業而委之於
學故其詩長而益高及醉餘死而山人之爲生事拙值吳
中水潦連歲不登山人督耕又怠旣困矣又得人瀕江棄
田若干畝培上爲高謂水患可以人力勝凡耗數百金功

卒不就農業反壤後數年乃率妻子爲人傭耕或以山人始疏懶今自苦若此疑其中有不自得者而山人歌歎自如也又數年人之傭山人者謂山人之報我不足且更其傭而奪之田於是山人益困飢寒且劇日磬磬焉以至於死蓋十年於今矣山人性純孝奉母如素封家與醉餘尤友愛撫其孤如己子始困時視棄產如脫屣不負人一錢一粟或乘勢摧辱之亦不答其既困而且窮也自揣無以報終不以絲毫干人其平居議論雖高亦不舉人短以立說及聞善人君子或鄉里節義之事則又嗷嗷歎息如不克道此在里人猶稱之以爲孝友敦厚至其胷中皎皎坦坦無一切尋常世俗之心出語吐棄凡近介介不可人意或獨居慨慕抗懷往古與其行踪落寞常自引於世故物情之外則皆非笑嗤薄之固自難得而知焉方山人業在時亦致一二敦樸之士相與殺雞滄茗爲會論漢魏古詩以下纚纚洋洋窮日夜不倦然不能以禮容應客唯真率而已嘗有二人具衣冠候之至則家人驚異欲不告以山人在所適山人自至跣草履不鞞方從容去箚笠而揖蓋自赤日中飯牛來也凡山人前後相識數人皆同郡之能詩者其少時則有吳江徐達源折節與之交近數年乃與郡城楊白劉涿之善至江湜則里居時相近往來尤熟故

爲事略以乞文於君子山人年四十有八卒以道光二十七年四月二十日子四人由中端中思中致中致中尙幼餘俱爲人傭耕云同郡江湜

丁未七月余在閩中得山人凶問千里之外不能悉其後事獨念山人行誼始末唯余知之最詳不可無述故爲事略寄小浮先生乞據爲傳蓋先生知山人最深文字固當有屬也歸里後知先生既序其詩文不重出余始錄存是稿今洪丈髯顛首刊其詩全集其發潛闡幽之意尤欲讀之者知其人也故錄是稿歸之而附著爲文之本意如此道光庚戌二月二十一日江湜自記

沈四山人詩錄總目

序文

事略

第一卷

古今體詩六十二首

第二卷

古今體詩七十五首

第三卷

古今體詩五十四首

第四卷

古今體詩六十三首

第五卷

古今體詩六十首

第六卷

補遺

古今體詩十三首

跋

附錄

沈四山人詩錄卷一

元和沈謹學詩華箸

幽居吟

甲戌

幽居遠城市野曠非山深仄徑界桑麻遶廬多綠陰野花
不知名疏香長滿襟野鳥不避人時來送清音眼前無機
事何處生機心性澹流水風月閒黃金野人耕釣餘聊
爲幽居吟

早春

柳條弄色綠還未老梅著花香不勝吟邊探春得消息今
日硯池已脫冰

沈四山人詩錄

卷一

春日卽事

乙亥

柴門靜掩水之涯
風颺茶煙縷縷斜
簾卷不禁寒氣重
滿階春雪落梨花

谿上

春煙兩岸平流水
一竿冷夕陽
隔谿來零亂桃花影

咏柳

得春先便得愁先
倚著東風亦可憐
慣為別離迷客思
更何聊賴管華年
白生幻影空飛絮
綠到無情欲化煙
一片夕陽數聲鳥
枝枝閒在酒旗邊

嚴芝田

兆鶴

見招

雨歇疏疏兩三
故人置酒隔谿招
故人家在綠楊裏
踏

過邨東小板橋

春暮

吹斷花魂一夜風
十枝竟有九枝空
兒童果否知憐惜
爭向階頭拾落紅

夏夜卽事

竹牀竹簟夜涼生
明月一窗將二更
阿母喚兒莫眠著
教聽小妹背書聲

秋月

團團出東海
皎皎入清秋
橫漢竟無影
疏簾不下鉤
白鋪

霜在瓦寒浸水盈樓莫照離人眼還能化淚流

見秋柳有感

春恨不隨飛絮盡離愁直比亂蟬多晚來獨向江頭望如此蕭條奈爾何

秋感二首

融融一日春風至千枝萬枝弄青翠蕭蕭一夜秋風作千枝萬枝盡黃落中有蒼松竟何仗秋風愈吹愈嘔強旁人

不識松堅貞反道秋風亦世情
蒼松不畏秋風吹其他羣木洵可悲木葉落盡巢鵲寒兼之冷雨飛漫漫鵲踏空枝無處著聲聲似怨秋風惡有人

見之笑且憐問爾昔日何不巢松顛

梅花 丙子

十丈竹籬橫一枝不勝疏瘦強支持孤邨料峭春寒重野店微茫舊夢遲香浸半谿水清淺影迷午夜月參差高情羞接閒桃李早被風前玉笛知

過七家橋

盈盈春水蕩輕橈兩岸煙拖柳萬條著箇鶉鳩唬不住斜風細雨七家橋

江邨雨後

江邨雨後淨娟娟著屐閒行落照邊芳草欲迷谿上路垂

楊低罩渡頭船風吹牧笛來平坂目極歸帆入暮煙引起
懷人情一片早隨新月掛遙天

春怨

一聲嗁鳥晚晴開寂寂中庭半綠苔猶有東風餘力在扶
將花片入簾來

一枕

不出柴扉十日將春愁雙燕話空梁年年三月病如此一
枕落花詩夢香

春盡

睡思朦朧酒思遲別無消遣只吟詩中庭不種閒花草去

盡春光尙未知

初夏邨居

補足綠陰飛盡絮眼空爛漫一春花矮茅屋小分谿住橫
板橋低趁岸斜喧我幽居惟鳥雀爭人行徑但桑麻年來
多少推遷感獨立松風咏暮霞

長相思

長相思飛花脫盡楊柳枝春光去去不可挽子懷脈脈將
何之月明孤館低吟夜雨滴空階獨坐時君不來長相思

黃梅

小掩柴門谿岸邊工夫偏穩病中眠浮雲影送家家雨放

水聲來處處田紅杏子肥消午渴白銀魚嫩賣朝鮮江邨
清景憑傳出又是黃梅五月天

初夏偶成

輕暖輕寒近麥秋忽晴忽雨亂嘯鳩水田平野白飛鷺楊
柳依門青縮牛春事一番隨斷夢小詩幾首疊閒愁出行
不得無聊我欲向鄰家借釣舟

夏夜

浴罷清風來幽懷一以放流螢出竹閒自墜青苔上

白荷花

白荷花朶一齊開冷壓方塘雪作堆賺得灘磯江上鷺誤

驚是伴忽飛來

靜坐

蟬聲一桁綠陰涼橫向窗前翳夕陽風定細分爐篆影簾
疏不隔藕花香繙書聊當消閒計靜坐還成養病方便覺
片塵無著處泊然直與世情忘

紀夢

一鐙如豆低結花欲明不明疏窗紗朦朧欹枕不自意合
眼分明見阿耶阿耶憐兒太消瘦摩兒頂又握兒手道兒
形軀本怯弱那堪一病逡巡久長蹠問阿耶耶何今日始
還家一向阿耶在何處耶今還家莫更去阿耶低白首向

兒重丁甯兒病當自愈慎勿輕餌參與苓轉眼忽然耶不見須臾境亦模糊變痛哭呼耶耶不應驚醒阿嬈喚兒聲

薄暮渡江作

臨風獨立船頭上長嘯一聲天地寬心事百年渺何許半帆落日大江寒

夜半

滿院蟲聲唳落葉一篝燈火淡秋煙薄披衫子不勝冷夜半月明人未眠

楓橋就醫歸

月向篷窗時掩映舟人無語艣聲微誰憐夜半秋江上一

葉扁舟載病歸

重陽

野人何處著秋光十丈疏籬帶草堂昨夜西風開到菊忽驚時節又重陽

月夜谿上作

隔谿老樹株偃立橋邊路月來影似人橫斜欲爭渡寒吠聲忽停犬意亦知誤

吳淞江歸櫂

淞波一片冷秋光帆影低斜掛夕陽遙指水雲邨缺裏接天紅葉是楓莊

秋夜

一欄清影露華涼
徒倚偏驚此夜長
月上疏梧尋宿鳥
風扶落葉走虛廊
離情處處添蕭寂
秋夢家家入渺茫
自覺幽懷無可遣
低吟詩句和虍蜋

蘆花

月搖江水翰無影
風掠沙灘聽有聲
划隻釣船相傍宿
鷺鷥披上一身輕

子夜歌 丁丑

帶圍寬欲盡
纔道相思惡
情絲如蠶絲
自抽還自縛
是儂平日願
所願郎情多
見面果如此
背後當如何

長日

長日恹恹如小年
使人困頓使人憐
幾枝煙柳綠成夢
一樹石榴紅欲然
水迹未乾過雨地
茶聲疑殺作風天
阿儂多少閒心事
付與南窗一枕眠

江邨晚興

忽忽江邨暮
夕陽紅半天
人家臨水岸
茅屋起炊煙
霞斷遙山外
風生細柳邊
葛衣涼可掬
獨立聽鳴蟬
江上殘陽盡
天邊早月生
鐘聲僧寺遠
帆影客舟輕
林鳥亂投宿
野人齊罷耕
讀書燈已點
籬落漏微明

采菱歌二首

清寒料峭逼清波
衫子不勝薄薄羅
一點深情惆悵在
低聲唱出采菱歌
有菱何須論肥瘦
有水何須論淺深
不愁菱角刺儂手
只愁菱角刺儂心

寫懷

何須瑣瑣受人憐
何必茫茫更問天
萬樹梅花一閒屋
縱然矮殺可高眠

不寐

孤懷冷落亂愁堆
如豆燈花寂寞開
舊夢幾番尋不得
蟲聲寒到枕邊來

靜中

點點寒苔作意青
烏隨落葉下空庭
一彎竹徑無人到
兩扇柴門盡日扃
草折疏煙跳蚱蜢
檐兜殘照掛蜻蜓
靜中別有幽居樂
說與時人恐不經

邨鄰失稻歌以紀事

一家五口田八畝
竭力耕田債還負
那有餘錢更買牛
兩腳踏車當牛走
人腳不如牛腳強
腳底血出筋骨僵
不惜血出筋骨僵
但願苗比人身長
稻苗日長人日槁
秋風瑟瑟吹行道
比鄰老翁走相慶
今年稻比去年好
雄雞膈膊天
朦朧傾家穫稻趨
田中張眼各各面
如紙上膝下膝一

望空一望空無餘穀淚雨紛紛眼中落一年辛苦飽他腹
贏得歸家放聲哭放聲哭兮門不開又聞門外催租來

路旁草

誰謂路旁草不如枝上花枝上一朝春力盡風飄雨泊隨
泥沙

暮秋

柴門徙倚望斜照在衣襟疲病黃牛骨離愁紫燕心西風
吹木落一夜感秋深邨巷有寒意家家急暮砧

秋晚卽事

鱗鱗白雲靜瑟瑟西風涼早稻已成熟晚稻亦微黃鄰家

作晚炊散出新米香

初冬

病骨瘦如此幽懷書半牀平林有黃葉昨夜得新霜犬夢
晨扉靜雞聲午飯香無多了清課臨帖兩三行

春雪

戊寅

香滿新茅屋梅花儘力開亂雲乘暮起飛雪拗春來白補
三冬紫青藏一院苔天涯有游子躡屐幾徘徊

早春遣懷

新晴作意媚朝陽銷盡平疇雪幾方岸柳春噓初醒色野
梅寒護欲殘香病魔纏繞難深拒詩債逡巡未一償獨有

清愁拋不去絲絲隨著日俱長

春陰

牆腳苔痕引雨斑小庭燕子背愁還嫩晴欲放仍收住多事春雲不肯閒

春夜

幽思如煙淡不勝春寒圍住讀書燈離離花影朦朧月只隔疏窗紙一層

過廢園作

子規空作盡情嘯園徑無人草自迷流水一灣花幾點吟魂欲斷板橋西

春暮

十點五點雨時落一枝二枝花自開癡殺飛飛小蝴蝶逆風扶夢過牆來

初夏

絲雨溼欄干淒淒生暮寒花飛庭宇盡愁入酒杯寬流水六朝去春風一夢完無情繁葉底梅子暗添酸

五月二十七日紀龍墩龍陣

驕陽爍流光長空飛鳥斷炎氛赫赫成紫煙一月不雨愈日旱海雲東北生隱隱聞輕雷雷聲隱隱風聲催海雲作勢高崔嵬雨矣其將來雨不來若有待游龍騰躍飛上天

倉卒風雲一時改游龍快意有如此盡攫風雲作驅使風
扶搖雲飛揚游龍弄之猶未足更挾急雨來茫茫龍尾一
掉萬瓦舞列屋乃遭逆鱗怒居民數十家何罹兮何辜糧
爲之罄兮屋爲之無居民尙嫌凡骨重其餘雞犬其仙乎
風雨忽停雲復卷托出夕陽紅一片一一收拾游蹤狂乃
見游龍善機變我欲問龍龍乎聽爲游戲兮爲鬥爭抑爲
人世施甘霖

暑夜荷池納涼懷芝田

一雨洗炎熱風弄涼絲絲獨移雙木屐閒遶荷花池荷花
如靜女螢火來照之露珠瀉清響耽此昏黃時幽懷淡無

著矯首明月遲

待月哦新詩詩成月初現荷池一畝寬紆回步之徧懷我
素心人積句不相見將懷託夢魂今夕或可面隔斷一江
煙夢魂恐不便

七夕立秋辭

長風吹散晴空煙明河不動橫簾前秋光西來淡無跡衫
袂生涼薄可憐無言攬袂翰牛女夜色沈沈淨庭宇天上
空傳巧思多人閒不少離情緒幾家穿鍼倚畫樓幾家憶
遠又驚秋月娥此際應羞影斜掛河西只半鉤

秋夜

明月一庭水清寒漠漠生疏林懸鳥影落葉葬蟲聲最愛
秋宵靜空憐病骨輕隔窗聞喚語珍重阿兄情

晚菊

不勝籬落見枝枝已過重陽對酒時縱是浮華都趨早若
論高節未妨遲一番磨鍊餘奇骨眾草衰殘識異姿切莫
臨風歎寥落有人抱鄰爲題詩

沈四山人詩錄卷二

元和沈謹學詩華箸

元旦同醉餘家兄暨姪輩探梅南邨

已卯

曉日上林端春光滿戶牖兄奉長命杯弟斟柏葉酒同上
高堂爲母壽地僻居閒無客賀忽來衣冠八九箇姪輩稍
亦知禮數歡笑移時一簾日影遲遲阿兄興懷起致辭南
邨梅樹著花未何不同行一探之行行重行行一徑來南
邨微風迴弄一絲輕早有清香半路迎入邨見梅花渾如
遇嘉客大家圍住梅花立一齊對著梅花揖梅花無言但
微笑高澹真爲我同調相對無言又落暉各攜兩袖清香

歸兩袖清香飄細細殷勤不斷梅花意

卽事

酒懷遣不得獨立野風冷一鐙林外過依約見人影

始春卽事

虛廊無人行殘照斜窗入東風得微微春意寒猶烈此時
野客懷何以慰孤寂一鳥忽飛來茅檐墮殘雪

晚窗有懷

風搖簾影漾波紋不覺朝來又夕曛病骨只餘寒意思幽
懷并斷近知聞愁如春水深三尺詩比梅花瘦一分卽此
最難安頓我深情溫語正思君

田園書事

閒暇及令節忽焉出新正原野邁時雨百草萋以生東風
被林木枝葉漸縱橫溶溶谿水活漾漾游魚輕飛飛眾鳥
出喈喈變新聲羣動各有得我亦歸我耕

古意

飛去復飛來歡如梁上燕儂如葉底花羞見春風面

二月十八夜作

欲睡不成睡鐙花結淡紅起來倚欄立寒影逼庭空水潑
一階月潮奔萬樹風此時短檐底如落大江中

絕句

花明隔簾杏苔綠上階春小雨兩三點輕寒尋病人

獨行至野寺延佇久之無人跡聞杜宇數聲

庭無花草只莓苔久立忽聞杜宇催若果不如歸去好問渠何事却飛來

種楊柳活喜賦

多謝東風力還虧小雨絲相將調日日遂爾活枝枝卽此不多綠偏成別樣姿有些春態度無甚別離思

久雨忽晴喜爲出游得詩三首

疏疏殘雨歇輕雷游興晴光一併開先與斜陽相約定爾如不落不歸來

不但飄然步履輕物情亦復可憐生滿林新綠驕如許無數鳥嘯併一聲

最關心事過谿橋梅葉初生綠未調記否與君獨相對一

天風雪正蕭蕭

月夜有懷

月不出圓缺人能無別離漫漫此遙夜對月起相思清露溼花影輕煙翳柳枝坐深成爾負恐有夢來時

春思

芳草日以綠相思日以深東風一江水蕩漾入春心夢魂不用楫夜夜渡江潯

春日卽事

悽惻襟懷不自由，輕寒偏爲病人留。
泥他對語憐雙燕，亂我吟情惱一鳩。
花影隔簾紅入夢，柳絲拖雨綠成愁。
漫將九十春光數，綺節怱怱已半休。

病中偶成二絕句

小病無由自寡歡，不知端緒倚欄干。
花梢著點微微雨，又做東風半日寒。
薄寒料峭釀愁天，近日心情總可憐。
便是東君亦惆悵，柳枝如夢草如煙。

早春曲

老梅橫枝閣頽井，殘雪猶留半庭影。
去年燕子不飛來，一桁茅檐轉孤靜。
吟聲低引思渺漫，著衣不耐淒淒寒。
東風吹寒破絲縫，春逗一分蝴蝶夢。

春曉曲

卷簾殘月一鉤小，朦朦欲曉還未曉。
煙吹不散風拂然，幻得空庭極深窅。
春亦微茫春可疑，春情春思更迷離。
衆鳥不鳴杜鵑叫，蝴蝶出夢花因依。
溟濛露氣浥衣潤，小立閒階寒不定。

春寒曲

東方風來殊可憐，將春吹入迷濛天。
游絲欲落不得落，

縷搭住花間煙春人攬衣悄然起不知不覺愁來矣心情
漠漠無以持庭宇凝凝有如水羣花低驪嬌不勝紅潮欲
褪粟欲生就中海棠最慙法更相偎倚難爲情隔林老鳩
呼婦語如此凄寥奈何許薄不分明一片雲可還落點稀
疏雨

十四夜月

十四閨中女開簾翰月懸忽聞同伴語三五便團圓

楊花

肯與游絲共一家不無情緒撲窗紗莫輕幾點迷離影夢
斷春風亦是花

子規身外卽天涯如此飄零亦可嗟流水偶然收拾得浮
萍無復夢飛花

竹枝歌二首

春夜迢迢最可憐竹籬笆壓柳如煙東家織布西家睡月
子彎彎上天

誰遣人生會合難鴛鴦一處不曾單但能郎意如儂意野
菜開花結牡丹

田園雜興四首

野草散輕煙柔桑翳朝日牧童無雜事起卽驅牛出牛牧
日以肥乃思用爾力

東風藹然至楊柳春鳩鳴徘徊以相對動此安居情薄田
二十畝及時自須耕浸穀不數日穀芽亦已生微雲釀成
雨陰陰漸爲晴

樹林延暝色日落原野晚飛鳥各就栖我亦荷鋤返酌酒
茅檐下披襟以自遠不惜四體勤所幸飢寒免

力耕全我真形不爲外役晴明固爲佳風雨亦安適抱屋
谿流清開門遠山碧不知桑麻長但覺行徑窄願言素心
人往來慎杖策

春晝

中酒傷春成獨睡故人別我尺書稀簾波不動午風靜燕

子踏花蝴蝶飛

寤後

夢中得句十分歡寤後沈思記不完
鐙穗小於紅豆子一窗風雨半牀寒

安居詩

鑿井得水耕田得粟不雌不雄何飛何伏

此時

此時只合閉門眠病是愁成轉自憐
絮點白翻三月雪苔痕青撒一階錢
不多雲影依簾子差有風聲起茗煙
天氣困人太無賴三教料理入詩篇

夢回

夢回聞鳥聲起尋在何許桃花開正齊認是桃花語

芝田見過

我正思量極君來毋乃同掃花開小徑分竹坐清風欲語
了無取此心惟暗通終憐斜照影漸爲別離紅

春盡

雨歇春已盡風吹雲復開夕陽無意緒自渡斷橋來

初夏

不信風來依舊東數聲殘雨小庭空知他春去多時矣葉
底花猶勉強紅

谿上二首

今朝纔得出尋詩風景依然又一時雨腳踏低谿上柳子
規日坐不會知

朝朝雷雨前山出我正關門病不勝潑刺一聲魚直立安
知意不在飛騰

許久

許久立池塘落花流水香餘春成早夏新月淡殘陽爾鳥
意何屬向人嗁可傷平林千萬樹自有綠陰涼

新竹

落然春事杳難尋得見娟娟慰已深出土便佳因有節凌

雲且待豈無心幽懷合與君相對小病應憐我苦吟切莫
化龍循例去儘分餘地好成林

二十歲生日作

耕釣之間有此人性情且喜得來真不因衣食妨疏懶別
具襟懷樂賤貧九歲失爺今日我一經無就十年身艱難
略記兒時事長跼堂前問老親

孟夏書興

不愁春去盡清景又江鄉好雨時時得青苗日日長蛙聲
秧水足牛背柳陰涼野客閒相過圍碁每夕陽

散步至南邨

野人無雜懷得閒卽散步因愛綠陰涼遂入南邨路谿水
比前深菖蒲短猶露鯽魚不自驚出水時一顧幽僻無人
來徘徊忘日暮鳥尾拖斜陽分投隔谿樹

卽目口占

蕪蕪麥滿阡陌不見牧童見牛短笛吹迴田角野雞飛過
牛頭

蠅

尋常擾擾汝何衆幾度揮之揮不開笑向荷花深處坐曾
無一箇得飛來

新秋夜作

斷雲領雨歸長風扶月上大地忽新秋小庭極清爽亂蟲
苔砌間寥寥試初響識彼沈吟意頗有隔年想我懷夫如
何緬然一俯仰

同醉餘家兄柳潭踏月

納涼人睡盡月在柳潭明兄弟有清興循潭踏月行衫輕
分水氣夜靜得秋聲莫倚垂楊柳平添宿鳥驚

夜窗讀書有述

踏車接牛力推車助牛行一月不落雨農事殊苦辛力田
紀衣食讀書養性情閒暇不可得憂思復相縈縱欲讀我
書書卷何由親今朝往磔潤雨來其有因固知蒼蒼者未

必困斯民以此聊自慰讀書坐深更四壁久已靜熒然一
鏡明飛蟲觸窗紙拉雜如雨聲殺鐙就枕睡彌覺中懷清
乃見窗紙上斜月猶盈盈

小窗

斫却庭梧一半柯小窗差喜得明多攤書白晝忽生暝知
是浮雲載雨過

喜雨

西南喜見片雲初漸漸崔巍漸展舒忽地勒將風力轉一
回釀出雨絲疏聲喧荷葉聽先好色潤苗梢樂有餘豐歲
可知天不吝稻花香裏愛吾廬

簡芝田

一別不應如此久秋風又颯門前柳君之抱負我所知我亦有懷君知否我恨不生古人前猶幸得生古人後莫以古今分此身莫以窮通藉此口况我與君方少年要須抗志希前賢讀書不能出已見徒於故紙窮鑽研塵羹土飯充腹筭便無乃愧孝先男兒目是貴實學虎皮羊質何有焉馳逐而求世所競不如移以修其行一角蓬廬數畝田何妨老我於時命吾生疏嬾宜江湖得有君知己不孤君亦不屑事馳逐往往感歎何爲乎

濯足

多時不放釣魚舟今日聊爲汗漫游濯足一憑苔石坐波光浮動大江秋

薄暮望雨

片雨江上來夕陽避不及西南遠林際被此一痕溼珠跳芋葉圓聲聚豆棚密一散爲濛濛平空見秋色

待月

空庭朦朧暝煙起卷簾獨立秋風裏昨宵鐙下聞雁聲此時月在檐牙矣今夕何夕雲不開姮娥欲出猶徘徊忍寒延佇覓幽句詩成覺有清光來

重九日感懷

日月積成古風光闢又今漫將零落感一擴古今心老屋
竹間小清谿門外深野人疏懶慣久不作登臨

與芝田夜話

具此一尊酒飛揚賸歡歌故人今夜共明月我家多客館
雙吟屐江湖一釣蓑當時期長大長大復如何

暮秋

園林漸漸老秋容落葉紛飛積數重一樣西風蕭瑟裏合
教黃菊聘芙蓉

月出

月出白雲上白雲如鏡臺一身疑水坐半夜拓窗開木葉

靜中墮秋聲空外來悠然思何極顧影獨徘徊

題唐詩選本後

古人化去一千年詩句猶留數百篇顏色徒勞駐丹藥性
情不死卽神仙作非止此應憐此傳豈關天總在天我是
少年苦吟者未深閱歷轉茫然

對月懷芝田

暮雲四卷晴無煙風吹月輪行上天行到中天忽不動一
鏡掛我茅檐前昨夜故人同笑語天邊明月圓如許道月
如能夜夜圓人生會得時時聚明月將無笑殺人今夜月
圓仍獨處低徊起向中庭行心傷離別愁思生離別以之

悟圓缺明月亦覺難爲情

秋夜偶成

西風殺暮雨淡月開新晴
鳴蟲率羣籟相感成秋聲
我懷旣以靜境亦爲之清
奈何一相對悄然無歡情

落葉

物到貧家俱入用
天于落葉不虛拋
蕭蕭積滿三間屋
省却一重補漏茅

落月

落月倒窺窗
霜華積流素
懷人夜不眠
行吟遶庭樹
凄寒我獨禁
飛鳴雁猶度
分明如蟻聲
搖上青天去

秋柳三首

直此蕭條恐不禁
煙濃綠重記春深
飄來弱絮曾爲感
化後浮萍已莫尋
涼露滴乾青眼淚
暮蟬悽斷白頭吟
亦知離別尋常事
且閣相思一片心

送人離別竟如何
贏得枝條折處多
不爲風飄兼雨泊
須知情種卽愁魔
茫茫終古惟殘照
短短年華又逝波
莫更腰支將此並
小蠻嫁後已成婆

蕭瑟同爲落葉林
數枝相對感偏深
照來水影猶狂態
分得秋聲入苦吟
殘月一隄亡國恨
西風五樹隱人心
試教流轉春消息
看向吾廬護綠陰

夕陽

伊人去矣我何求望裏蕭然又暮秋紅出邨邨烏柏樹夕陽堆上一層愁

坐忘

心事重重漸坐忘蟲聲相應語虛堂籬門不閉月斜墮搖入一谿秋水光

高燈曲

江邊纍纍多古墳草色自綠春非春墳以歲久失序次鬼以歲久聯爲鄰陰風扇地響落葉夜夜十盞五盞出猶能相率夜夜游無乃生前達者流

穫稻歸有作

三日不出門我稻熟如此况值天氣晴收穫及時矣當其八月時衣食何以恃牛力盡不繼稻苗乾欲死稻今穫歸來牛見亦歡喜

老農

木葉秋飛盡寒先江上邨老農輟耕作向日聚柴門往事供閒話谿流復舊痕稻今收穫了安穩度朝昏

歲暮卽事二首

東風不相待梅樹欲先春傲骨今難偶高懷向所鄰歲闌爲事遽財重出情真吠瘦吾家犬朝朝索債人

移新填舊債此舉覺安便
淖雨過三日依然又一年
歡顏開臘酒出手寫春聯
不少艱難者茫茫正可憐

沈四山人詩錄卷三

元和沈謹學詩華箬

正月四日雪

庚辰

夢入雨聲中夢回雨聲歇
瑟瑟風吹林淒淒寒徹骨
連雨將淡旬新年過三日
窗紙白如此安知非晴色
檐鳥啁啾來分明向人說
急起推窗開然否得以決
果然一夜寒有此一天雪
雲落幾時始將與庭階
平風迴問疏密取勢揚
輕盈去年無臘雪梅花瘦
難禁此雪出意外移補來
新春梅花欣所遇敬仄皆
精神此雪誠不偶念我同心人

初六日晴

正月六日天氣晴殘雪消盡東風春回思五日去草草今日才是新年人便須補出新年事一一尋思却無趣筆牀香滿水仙花不如且覓新詩句

咏水仙

虛秀含清華精彩不以色風度翩欲揚綽約不以力分明
宓妃魂恍惚凌波出可以餐輕霞可以佩明月

野眺

我豈耽疏嬾天真放我閒新年多雨雪今日始開關霽色
呈斜照春痕入遠山飄然一回眺詩思有無間

夜窗絕句

入夜餘寒欲亂春端然犯到苦吟身一窗明月輕推出未
免梅花冷笑人

早春有懷

子規嗁處卷簾看經雨青苔潤未乾半晌低吟沈遠思一
痕落照隔清歡春邊柳色無多綠風裏谿光不定寒珍重
數聲臨別語莫將愁病此身拌

春日作二首

一水隔幽僻園林遺世情春風日夕至草木遶舍生物各
趨萌動我心自和平禽雀得微理靜來時一鳴坦然坐窗

下有酒還自傾自是飲其趣非徒醉其名往古已漠漠舉
世何營營

春力有不足一雨爲周旋草色漸自遠綠到柴門前兄弟
子姪輩一樸惟天全及時理常業相與出耕田嬉游者誰
子問路來道邊輕佻爲自得意氣何翩翩世態竟如此我
心良可憐

晚歸途次

斜光紅欲盡林鳥栖初定長歎不逢人空谿一聲應

卽事漫成一首

雨點如珠間細麤日長天與睡工夫一簾煙影茶聲裏寒

暖不調春有無

相逢相別太怱怱昨夜相思有夢通如雪梅花搖落盡柳
枝青入笛聲中

晚晴

煙林處處鶉鳩聲返景家家入晚晴一笑果然天有例不
風不雨不清明

過龐山湖

晚泊依江邨孤蓬一夜雨依稀殘夢邊聞得舟子語披衣
起推窗初日在沙渚微風蕩輕煙不散復縷縷柔艣隨兀
搖湖光雜迎拒菰蒲將遠山一碧淨眉宇悠然指顧間我

心淡如許

同醉餘家兄游南屏山

鳥嘯不數聲衆綠一齊曉力以游山勇興自芳春好夜來
雷雨過山徑猶溼草登頓窺曲盤已出萬松杪俯矚但蒼
蒼西湖一杯小

輓曹恂愚先生

格

先生之行非今人先生之學惟一真小子忝在弟子列藹
如披拂東風春先生外嚴內溫粹澹泊處身不求異讀書
以爲榮利階是豈先生讀書志青衿皓首娛清貧剛絕衆
慕還乎澹高懷獨溯陸魯望回風一起吳淞濱嗚呼先生

忽云逝江流湯湯有餘思

新春言懷

辛巳

豈無干進心結廬依隴畝舉世事聲華此心復何有力耕
先人遺今已數世守龜勉及子孫相期保淳厚新歲農務
閒茅檐聚鄰叟縱論田野事肥瘠分某某旁及相牛法指
畫定好醜鄰叟固多聞念之嗟歎久春風不我私綠我門
前柳

偶然

偶然散策遣微醺不爲尋詩向夕曛風景吟懷隨處合谿
光柳色一橋分卽看春野留殘雪何異秋天著白雲忽

飄來香縷縷梅花知否正思君

善病

善病浴爲入道端年年病與杏花看牽連陰雨無妨睡商
略東風未要寒一榻茶煙清化水半窗柳色綠成團靜中
妄想刪除盡檢點身心轉覺安

暮春偶成

不便耕漁不住山一鉤清水愛谿灣
柳濃陰替掩關花落花開形影外春來春去有無間夕陽
紅上茅檐角起倚欄干看燕還

答雪香

以詩相識我母乃失其真耕釣聊藏拙桑麻別有春敢希
爲隱者自在稱閒身寂寂江邨裏勞君問訊頻

同醉餘家兄游天平靈巖諸山
山山綠如此一雨健春力朝陽開薄煙分明一盥櫛山意
無將迎將迎在山色峯巒互向背蹊徑亂曲直舉手謝羣
山應接恐有失

遊山如讀書快意故無爾揣摩得大略奇奧莫能獎緬想
開闢初結構絕模倣至妙無端倪偉哉巨靈掌
一峯突而立一峯緩而承取勢必依倚出奇無驕矜峯峯
相表裏友愛如弟兄撫之默有感喟然發深情安得我兄

弟化此雙峯成世事任代謝壘篋常一鳴

答芝田

向我惟君別衆人不隨時俗笑嶙峋應酬何敢因君假疏
淡須知是我真家業世傳耕種法頭銜天與太平民數椽
老屋荒江上羞以浮名說隱淪

寄顧允民

錦

水天渺渺兩相思三綠東風楊柳枝信有文章能造命斷
無才子不逢時峻嶒風骨非君傲落拓襟懷豈我癡一種
田家甘苦趣相期他日看新詩

風息

風息微微與動搖紙窗竹影愛輕描一欄干地清無奈月
有微雲不寂寥

秋日漫興

小小一邨三十家家結箇竹籬笆田角綠擎芋頭葉豆
棚黃上絲瓜花老牛雖瘦不偷力濁酒譬無聊免賒最是
網船相識熟尋常買得賤魚蝦

秋晚書感

西風吹老一天秋白稻香秔次第收官長開倉慶豐熟小
民計食費營謀路旁餘穗喧飢雀籬脚斜陽曬病牛納稅
還租心事畢栽培豆麥且優游

夜坐吟

西風吹林颯如許落葉數聲答蟲語明月一天庭一方奈
何限之明月光安得放眼一千里江山秋影窮蒼茫清寒
著人一欄淺且誦君詩當消遣坐看清天生白雲君若不
來將怨君

元宵

壬午

春秋自迴環陰晴莫恍惚一年十二回還我一輪月野人
度元宵非徒喧靜別大好詩酒懷一往化高潔明月入塵
世無從避煩熱相將致清光何如半天雪

早起

晏眠豈不佳習慣恐成惰早起亦無爲低眉嗒然坐羣動
靡有他此身正忘我世俗日趨下激揚究何補一日天地
初庶幾復于古

讀芝田存素堂詩有懷

空此一江水心清無別離藹然接春日况乃對君詩茶熟
兩三次花開四五枝東風若憑得報我正相思

牧牛歌

主人有牛童牧是職朝出行暮來息飢飽牛不得言肥瘦
與直肥瘦不過牛一身當思主人

甯泥歌

甬泥網竿搖燕尾開合春風弄春水無心捉魚魚不驚偶
然夾得亦歡喜稻根麥根拔田力田泥不如河泥黑一家
甬泥開一船轉瘦還肥此有權

芝田袖近作見過

春風吹出千花枝以香以色方君詩我亦笑我蝴蝶如詩
未出袖先知之別君一月未爲久君得新詩復百首眉間
意氣時飛揚筆底精神一抖擻海內作詩爭盛名欲高聲
價須公卿君何不顧世俗輕却來隴畝相酬賡此意蒼茫
良獨苦眼中之人只有我短茅檐底抽禮數憐君感君拉
君坐對君大覺懷抱開紛紛于我何有哉黃牛一頭田廿

畝君儻學耕勝奔走

寄琴香

小邨幽僻寡知聞楊柳柴門鎖綠雲三月過來殊寂我片
帆開處忽逢君性情何必深談見詩句先于一讀分別後
可還相憶否江湖鷗鷺本同羣

連日風雨遣懷

野人近來減苦吟偶然得句不足成苦吟自寫性情耳陶
詩一卷卽性情雄鳩嘯罷雌鳩鳴商量風雨忙清明花開
花落置不問閉門何論陰與晴天涯芳草日日深階下綠
苔片片生風雨儘他無賴著野人只當煎茶聲

楊花

草木各精神花開一而已
拘拘弄顏色競向春風裏
獨憐楊柳花悠哉胡乃爾
跳脫虛無間文心悟莊子

暮春絕句

獨來庭徑數花枝無計留春計
絕癡落得一回歡喜在半
殘認是半開時

淺白深紅墮作堆暮春門巷不輕開
惜花心事難為爾贈汝青青一片苔

春盡日作

夕陽吝餘光愁人惜春色容易送華年
艱難聚交識風息

辨如無雨痕認還溼蟻背駝花鬚蒼苔尋縫入

簡徐冷伯

晉銘

即題詩稿後

想見連番得意吟論工數拙豈初心
浪分格調或唐宋畢竟性情無古今
流俗只須皮相好吾生正合水邨深
如何一把犁鋤外尚有相知感不禁

田園即事

菖蒲葉短柳葉長柳花撲地春茫茫
小麥青青大麥黃節近麥秋天氣涼
輕雷催成一夜雨聲和糟牀滴不止
不道朝來即放晴潑天濃綠清如水
兄弟叔姪各向前趁雨正好開秧田
新買黃牛賭驅使叱牛聲裏笑聲起
一年衣食

夫如何種田在勤不在多穀穀黃開穀芽白傾耳聽取豐
年歌

浴起

浴起雨新歇悠哉此何時瞻彼庭前竹娟娟良復宜
暝際會禪味風來吟小詩以心隨動靜一化渾不知

谿上

淡黃楊柳低夕陽野風吹衣天氣涼偶然得句續不得隔
谿立過人影長朝涼暮涼秋深淺望中乃覺清以遠前邨
幾處炊煙明可是香秔新米飯

秋夜讀尤民詩稿賦贈

一榻一燈火蒼茫今古情英雄而未路淡蕩且平生之子
看同調詩篇與一清翛然誰會得天地此秋聲

夜渡長白蕩得蟹籩泊舟

中流浩無際一帆容與行暮雲落不盡淡月大邊生黑影
辨涯岸想見蘆荻橫意引一風去蕭瑟將秋聲鐙火掩映
出蟹舍約畧呈丁甯語舟子物我原此情卸帆莫緩緩落
篙且輕輕栖泊得處所毋使眠鷗驚

泛舟南湖欲登煙雨樓不得

夕陽低柳曬魚罾喚渡人來處處磨選隻小船划我去風
波穩住半湖濩

今日真來煙雨樓鴛鴦雙導一閒鷗孰知大誤登臨興天
氣新晴節序秋

自吳門歸

一帆分付與舟里順風天佳興尋山得歸心穫稻牽湖光
收落照邨影化炊煙阿母勞相待柴門片月邊

秋日冶伯同芝田過訪有詩見贈次韻

老屋江上低水將一邨遠力耕養愚蒙衣食免屯蹇放眼
卽登臨遙天送晴嘯每憐素心人安得與晨晚挺出自不
能何敢說隱遯惠然尋我來相思夢始穩寒蔬肥一畦香
秔熟三碗誰謂無供給此已富客飯情親可歲月留君不
願返時時能往來小橋爲君偃

秋日

開軒坐涼際秋意此有涯瘦骨欲誰偶風動黃菊花幽懷
入詩思煙清初熟茶白雲將落日須臾鍊爲霞

雨過

斜雨忽然過開窗風亦微竹清來熟客骨瘦不生衣我以
靜爲妙蟬子喧見非清吟殊好在一閱必殘暉

籍為效職于宜良非爵也粒致亦一閔必發軔

除雨忽然斷開窗風衣燭竹辭來燻容骨與不坐太甚以

雨歇

人若思學書既燻茶白雲雜暮日與與融為雲

開神坐寂烈煖意此官賦與骨冷華風便黃淡芬幽

煖日

賦遊湖湖論卦來小辭為昏野

沈四山人詩錄卷四

元和沈謹學詩華箸

夜坐

癸未

夜寒寂歷生燈光逼來小坐深適以靜懷清孤亦好願言

衆念無誰能一心了開窗失梅花中天月皎皎

生日作

人生各有營勞逸自流別我于田園間正爾安蹇劣南疇

農事動與兄耦耕出衣食苟有餘何必瘁筋骨多病習成

嬾無為順其拙所仰阿母慈容易致歡悅居然廿四回三

月廿一日

雨窗

東風吹雨應清明
牆脚苔痕漸綠成
失喜斜陽開一晌
猶然慳我半窗晴

春盡日

藥煙浮出午風輕
垂地疏簾一桁清
今日春歸扶病送
落花不僅與愁平

徹夜大風雨

狂風滅盡夜燈影
雨點如拳屋茅打
牀上那更無處乾
牀下水翻逼人冷
蒙頭布被臥以僵
遮莫一夜兩夜長
兒童驚呼走相報
我家移入吳淞江

水勢漸退小雨即晴

水勢何妨漸漸收
中庭絕好小池幽
竹搖餘瀝晴猶雨
月吐新涼夏亦秋
乾步遶欄非易事
過時補稻有深憂
平生于世無期望
得免饑寒願便休

復水

稻田復沒盡蒼茫
轉無極餓死自有命
我不愧我力彼蒼
亦何心爾水太相逼
既沒我稻田又來漂
我宅初纔四五寸
漸漸欲盈尺
掘衣時一涉寒氣凜
至腋誰能度
晨昏架板以休息
老母終日坐無言
但默默老母勿默默
憂心我已識
天豈無晴時
水當有去夕
家儲冬春米計之
可接麥

阿兄澹蕩人以酒樂其適歡然持一觴勸母亦我及逃出
風雨聲醉鄉徐引入

和徐山民先生

達源

九月二十日祭徐侯齋先生詩

原韻

積水田田白時時見躍魚江湖遍地是舢舨我廬如跋涉
艱今日低徊負約書不能隨拜仰感慨到園蔬

捉魚歌

秋風吹水脫隴畝轉復留之塞溝口大魚知機早躍出小
魚戢戢猶相守農家此時一事無挈筐提網相歡呼日日
田中捉魚去魚儻捉盡將何如

典牛歌

歡聲歎聲雜不休太守出示招典牛是時水勢行漸收太
守之意何綢繆水牛典銀十二兩黃牛八兩典一頭有廠
寬爽非拘囚牛眠牛立牛不愁今年大湖足菱草牛必飽
食主莫憂主人據與一方紙對編字號牛角鏤開歲前後
及麥秋以錢來贖無逗遛萬一牛病活不得以角照驗無
怨尤六月七月風雨稠徧地浸入江湖流稻苗漂盡野草
死人食那暇牛食謀太守之意何綢繆歡聲歎聲雜不休

野田黃雀行

西風蕭瑟野田黃雀啁啾可憐黃雀軀命何微腹中無粟

一饑當復念此黃雀毛羽依然骨實瘦削東張西羅黃雀
奈何君不見黃雀飢無力縱欲高飛高不得

寒夜

况當風雪夜復此孤眠身一念回奇暖正多無被人

風雪交作小酌遣懷

短日逼風雪殘年草草過飢寒幸猶免聞見忍如何有酒
且斟酌無心于寡多雜懷誰與遣一試醉顏酡

輾轉甲申

輾轉夜深淺孤衾短枕斜吟魂清有夢意境淡無涯得句
依然失禁寒峭與加一鐙耿幽豔香醒水仙花

對雨有懷治伯芝田朮氏

風急東南雲夜生起看雨脚忽縱橫春將風雨太無賴我
與梅花空復情習靜正宜終日坐開寒端要半窗晴關心
鄰老來相過不用敲門有屐聲

愛聽好語說年豐優渥田疇麥可叢慰我日來憂米貴有
人客裏坐詩窮不無小恨經時別果否相思幾處同與見
豈難晴豈易吟懷孤入雨聲中

述懷

依然無一可感歎我生初歲月度荏苒疾病與乘除以至
十五六猶不勝荷鋤因循自放逸于學實空虛未甘草木

腐顧念徒區區及此不勉厲忍與流輩俱種田且就少移
以多讀書古人亦人耳抗志將何如

山民先生以南谿洗硯圖屬題圖爲女公子鏡如貞

女作也

谿水鏡光平梨花雪點成讀書應特識洗硯正空明冰玉
含姿異芝蘭得氣清紛紛笑冠櫛一念梗功名

冬晴曉望

初日照行路霜浮草際煙多時占雨兆一意銳晴天鳥喜
出林翮人忙糶米船此中誰會得正爾逼豐年

答江聽濤

文鳳

卽次原韻 乙酉

不敢不君告邨居樂最真無能空外役一拙盡吾人兄弟
欣同志田園又入春力耕聊復爾報答太平民

詠山民先生座上紅梅次除夕原韻

小梅紅得一枝春入座何愁風雨頻不惜幽香供詩客肯
將眞色對時人

新晴

煙姿青展半階苔寒自消除不酒杯一夜杏花將雨去數
聲燕子已巢來我于游興逡巡好春得晴光嫵媚開知道
路泥猶屐重小庭紆步兩三回

初夏卽事二首

家家曬麥趁天晴
耒拍聲連笑語聲
昨夜東風吹過雨
新秧竟與岸齊平

谿灣風聚落花片
新漲看看沒釣磯
難得牧童好心事
樹陰圍坐較牛肥

耕谿上田作

邨西已稻田谿上猶麥隴
侵晨扶犁出農務逼芒種
一笠雨聲圓半天雲影重
老牛不勝鞭一叱一驚恐
力短殊可憫時還努餘勇
何處鶉鳩聲小橋楊柳擁

喜雨

顛風急雨兩相威
一晌風微雨亦微
只辦稻田添足水
斜

陽還與曬蓑衣

和山民先生見寄韻二首 丙戌

茫茫世事何窮已
我亦年來感慨之
閉戶著書渾忘却
先生不負鬢邊絲

莫信阿奴真碌碌
欲將風俗一淳之
斯人斯志科名外
合向吳淞理釣絲

有感

世人苦飢寒所願止温飽
温飽苟有餘聲華復相撓
一反淳樸風齊心逐機巧
誰能不衣食珠玉未爲寶
蓬廬達桑麻無如力田好
是豈甘苦辛庶以靜自保
春風將雨來綠

回原上草時及敢宴安努力還須早莫使秋收日欲然愧
懷抱

病中詠簾

一桁空明絕點塵西齋養病欲殘春依依好與柔風力漾
漾時看蹙水鱗柳菴綠煙尋夢境花飛紅雨苦吟身亦知
于世無期望願學成都賣卜人

偶感

賽神演戲各爭先遊徑縱橫亂麥田今日邨莊殊寂寂畧
知節儉爲荒年

春晝

午窗妍暖十分春謝却交遊託病身蹴徧徑花蜂股重嘯
來庭樹鳥心馴句無強對尋思久字有微疵點竄頻吟就
一篇真可樂手挑活火瀹茶新

夏日卽事

小小江邨景物幽柴門長日掩谿流不因僻處遠佳客似
欲尋盟來野鷗此手把鋤天所與我心如水世何求稻田
并畝親栽了卷帙西窗自校讐

山民先生惠畫梅紈扇

一握清風特地分况兼梅影寫繽紛白雲只可自怡悅却
笑當年陶隱君

秋霽眺遠山

淒迷久陰雨，偃蹇殊可愁。夕陽開霽色，出屋一悠悠。空明蕩江水，迢遞極綠疇。野居果平曠，登臨却無由。縱目眺遠山，孤懷抗高秋。鴻雁何時來，飛鳴向南投。願從假羽翼，更欲浮輕舟。泉鳴澗石上，桂發巖之幽。正爾不可卽，懷哉鸞鶴儔。

頻夢見亡妹

青黃變柳變年華，回首東風事太差。久不歸甯同死耳，頻來入夢尙生邪。淚痕認母時乾溼，病勢憐子屢減加。歎息不如閒草木，當春姊妹又開花。

病減

及吾病減已春深，且勿閒愁樂事尋。老母乍乾思女淚，小兒漸有讀書心。屏除藥物憑元氣，棄絕功名負友箴。我有田園差不惡，只圖嬾散遣光陰。

春日雜詩

不難謝塵事，邨小地幽偏。居接林間屋，耕分谿上田。遣懷引微醉，養病趁閒眠。鄰老來相約，明朝掠社錢。隙地裁爲圃，門前接麥畦。喚人修耒耜，親手結笆籬。穀種從鄰換，瓜秧帶雨移。自因幽事繞，連日不闌基。

閒尋

白日誰甘一醉休閒尋聊欲散閒愁麥風幾日吹成浪
童子騎牛穩過舟
綠陰跨過板橋斜茅屋低藏一兩家手拂石苔臨水坐輕
風水面走楊花

春暮野望得句

一角殘陽畫斷虹年光隨分了春風桃花脫盡清明雨綠
入平蕪一望中

晏起

昨宵明月佳詩夢失窗曉已過半檐日還驚數聲鳥家童
進茗粥病骨一輕矯開軒坐悠然有句續未了時見落花

飛清愁計多少

雨後

殘雲隊歸月東上雨不須多已清爽正好田間水薄添稻
苗會見森森長老牛飯罷柳下眠牧童吹火燒蟲煙三五
人來納涼聚寬平場圃臨茅檐

病中遣懷二首

病不妨貧未是貧布衣脫粟見天真翛然一榻南窗下我
道茶甘勝酒醇
漸淡名心看世態不多求友見人情支離病骨秋山瘦涵
養詩懷止水清

過閭門尋芝田

我友嚴芝田懷哉古梁鴻寓食金閭門誰是臯伯通清寂
知不免相思當復同庶往一尋之桂花動秋風

與尤民論詩別後感賦 己丑

知我憐君學不今每于絃外賞清音片言直可爲修綆往
古猶能接寸心瀟灑有時聊酒適發揮無處以詩吟流傳
李杜聲名大事業何如感慨深

哭家兄醉餘 立學

吾人介天地生別不可知豈無相見日定有歸來時此身
化爲石此心終不疑哀哉復何望已矣死別離與君爲兄

弟白頭有成期一氣合恩愛分形茁連枝摧折遽如此彼
蒼欲何爲上有六旬母下有五歲兒至性終難化能不一
顧思奈何追影響邈然竟如遺夢魂無憑準顛倒徒爾欺
幾欲相尋去泉路恐多歧更有幾歲月庶泯我心悲

思兄

鐙影依屏小雞聲隔雨遲思兄一夜淚只有枕函知

庚寅三月十九日訪冷伯芝田尤民感賦

總將原野裹青黃柳接花迎路不長足力養成連日雨尋
春訪友一晴忙

強尋樂事不成歡一日春來一日寒雖有二三朋輩在其

沈四山人詩錄 卷四
如孤雁入行難

歲暮感懷四首次冶伯韻

歲華漸與盛年辭百感茫茫萃一時跨臘梅花先有信傷
懷荆樹久無詩祇將涕淚酬孤憤不愧容顏對逸姿連日
北風誰料得未能成雪雨絲絲
殘年便恐雨中過退盡雄心水不波廣廈歡顏曾有幾坦
途涉足竟無多近知菜味甘于肉已識人情薄似羅只合
讀書求我志功名待舉力田科
年來生計笑搏沙自合書窗守碧紗卒歲無營勞質庫傾
囊不惜潤鄰家放開懷抱樽餘酒領畧春光燭有花想見

私逋公稅急市聲一片起羣鴉

跳空日月漫相催大運推移自古來塵世何方尋樂土醉
鄉有地起春臺塞翁失馬庸非福趙括談兵豈是才我願
兒孫安隴畝此心莫爲利名回

正月四日冶伯芝田過訪次芝田韻

辛卯

故人憐我獨相約棹舟來草率原邨舍殷勤出酒杯交情
看鬢雪風骨指庭梅未忍尋常老流年緩緩催

八日同冶伯飲芝田齋中

事有不如意遣之俱可平悠悠入新歲戚戚念同生益覺
故人重休看會日輕三杯吾醉矣酒量稱詩情

送冶伯歸黎里

落花飛絮三月晚留春不住送君返只添一日半帆風我自識君君不遠身世茫茫我欲愁白日西去水東流別離會合真悠悠珍重光陰雙白頭

春暮卽事懷冶伯

壬辰

柴門寂寂柳萋萋杜宇飛來作意嗁節序驚心三月晚茶煙壓雨一庭低同誰淺碧傾杯酒無處殘紅避屐泥已是傷春更傷別不勝情思轉淒迷

夢先兄醉餘

長夜漫漫接夜臺夢中有路不紆回此番竟作尋常見以

後何從仔細陪淡月窗間分影上孤鴻天外喚悲來不堪瑣屑重追憶併作餘生一味哀

新霽

癸巳

風雨經旬勢太豪東君有柄不春操每于新霽思游屐但覺餘寒戀敝袍野老憂懷麥苗短兒童意興紙鳶高暮雲又接斜陽去且向山妻問濁醪

裏手

裏手柴門立江邨暮雪深歸鴉投靜影老樹定禪心忽動飢寒感誰將節義任所憂非細故我欲告諸林

謂少穆
申丞

乙未九月初七日哭六兒寶進

性情聰慧貌清端喜汝能生祖母歡早識笑唬都是假不
應鄭重當真看

強向堂前制淚垂忍將點點滴成詩何能泯却悲歡念第

四年前一此時

兒四歲

世途偪仄我懷寬家計憑教稼穡難淺土薄棺安著汝儻
從一死省飢寒

獨夜

敗絮堆牀暖不成眠逢獨夜可憐生疏窗斜月疑霜影落
葉西風作雨聲何忍思量前日事最難將息此時情鄰雞

莫是寒蟬噤自起挑燈坐到明

與聽濤話舊次韻

丙申

一話郊原淡蕩春且休飄入庾公塵詩書有味人能獨天
地無私物不勻只願歲豐成俗美莫因時尙失風涓聞君
近日耽禪悅逐跡窮源恐未真

述懷次尤民韻二首

丁酉

莫畫蛾眉恐入時秋風嫋嫋渺予思固窮乃見窮之節不
善能爲善者師計食已難旬日緩作家應坐十年遲故交
一任生疏去慎勿牢愁誤鬢絲

敢道平生馬少游時哉已分力耕休眼無子美千間厦胸

有元龍百尺■每向陳編傷往事聊憑濁酒慰離憂薄田
果得常豐粗糲猶能一飽酬

夙昔戊戌

夙昔慕高蹈投跡依耨耕豈爲罕人事而不撓世情方思
安拙訥敢以表幽貞乃覺垢氛遠園林日夕清時還過我
友頗得歡平生深感知交誼直欲素懷傾反覆市道耳所
貴在一誠願彼紛紛者誰能脫譏評鬚眉各老大歲月幾
回更趨鶩豈有得淹留竟無成

舟行至滕巷感賦

西南風緩霽暉開便覺今朝暖意回曲岸雁搖柔艫去中
流鷗立斷冰來人誇勢力憐衰俗我坐疏慵作散材何日
田間積豐稔草茅安穩讀書臺

歲暮書感

晚日烘斜照西窗一倍妍臘含殘雪住春試小梅先世事
能忘我詩心定入仙誰曾磨折慣漸覺受人憐
悵悵我何來無人識隱憂空囊羞一日曠抱具千秋柳色
纔經眼春風已轉頭殘年何以卒未解此生休

寒夜二首

莫更尤人莫怨天夜深耿耿不成眠空階滴雨止還作坐
看殘燈落燼圓

沈四山人詩錄

卷五

三

下牀那不上牀羞何處人間百尺樓去住茫茫無可問只
憑好夢隔煩憂

己亥新秋言懷

處約良獨艱依榮豈所愜我無術世具益覺形其拙頻年
薄秋登生理日就窄屢空已不任塵事復逼迫可惜幽蘭
姿忍隨野草沒每于晨昏暇開卷仰古昔孤襟自虛緬眞
想時超忽新此清秋涼谿上疏雨歇耕耘事裁已欣見稻
花白穠穠盈南畝歲功亮有獲所願亦易酬聊用持日月

絕句四首

辛丑

橫斜野徑闕蒼苔忽見梅花冒雨開三五已過無分了月

光光處美人來

垂楊垂柳徧江干客裏閨中取次看費幾春風吹綠汝一
番雨雪一番寒

多因薄歎困生涯莫道先生不作家得手一杯且歡飲清
明笑過小桃花

炊煙不動舉家清東舍西鄰送飯羹楊柳影圓日停午蓄
薇花發爛新晴

秋鏡寒夜製棉衣圖爲楊元絜

白題

中庭木葉下嫋嫋秋風生徧驚慈母耳吹作將寒聲深夜
勞緘蓄一鏡頗孤清棉衣無奇暖慈母有至情常得衣孤

兒不願狐裘輕

呈山民先生 壬寅

澹泊生涯稻一區塵寰底處更良圖管貪祇以貧為累
嵇嬾應憐志太孤老輩風流何醜藉野人心性本迂愚惟公
能識驪黃外材不材間定恕吾

二月十七日過黎里眾善堂謁徐侯齋先生祠 山民徐丈

以上沙祠宇屢淹于水乃葺眾善堂旁屋奉先生粟主祀焉

此豈先生志甘為隱逖流草堂聊託跡澗水不知秋明月
梨花夢空江鶴影留我來肅瞻拜仍作上沙游

春日同冶伯登中立閣

憑仗春光散客襟一回淡沲此登臨炊煙白訝經冬雪 去冬積雪數尺

經月不消油菜黃慳布地金縹緲湖山供跌宕奔騰歲月

付沈吟近傳海上多兵甲別有心期與子深

冶伯令子仲寶 寶浣 惠詩次韻呈山民先生

世途任偏仄我懷自康莊何哉能爾爾分定心不忙少小
絕外慕抗志希古狂躬耕畝田力不償年荒飢寒累妻
子往往斷晨糧但餘意氣在四壁一空囊比逢夷作逆奔
避驚江鄉是皆財為患貪涎引餓狼何如富書卷一室羅
琳琅鄙見果不謬身世轉蒼茫竭來夫子家晨夕親芬芳
纔能紀衣食願留永星霜

王寅重五前二日汝夢塘諧攜酒仁壽祠小飲即事

曹騰已是擲春華容易尊前笑語譁穎脫綠鍼秧出水香
飛紫雪棟開花近聞夷逆無常處纔定驚魂有幾家我向
諸君獻奇策結間茅屋護桑麻

五月九日山民先生招同汝夢塘沈愚亭鐫陳雨亭

福疇汝寅齋鳴球譙集種瑤齋時夷匪自乍浦犯

上海兵民逃徙蘇郡戒嚴率賦以紀

菖蒲挺劍森綠鋒石榴炎火燒晴空徐文齋中集羣彥展
對令我開心胸雄飛雌伏飛者伏何以解憂一林屬紛紛

肉食何為乎有感八公閒草木

題徐九如女史所書二林居士論語說卷後

儒佛非一途道義根綱常磅礴無窮極一氣涵穹蒼二林
相引喻山高水流長道韞領妙悟冰心玉壺藏端書銀鈎
字清入梅花香

黎川秋鐙詞

移得中秋作上元別開風景艷黎川人有一輪好明月年
年天與踏鐙圓

尋徐侯齋先生澗上草堂癸卯

高士有遺迹空山何處尋路橫密篠遠邨隔上沙深崎嶇

經詰曲窈窕臨嶽嶽忽逢采樵者側指青松林

送江弢叔提北行

忽枉扁舟話別離江郎侗儻眼中奇欲成偉業須高第此
去名山人好詩卓爾古皆游覽得浩然今更擴充之道光
癸卯仲春月記取吳江相送時

次韻和趙靜菴筠餞春

荏苒盛年去中懷動茲辰春光又告別惘惘不貸人念君
有同慨吟咏佳句新重以一尊餞脯筍羹絲蕪大運推自
古雙輪隨迹陳明日非今日今春非昔春達人自澹蕩志
士多苦辛守己非激厲任懷若因循吁嗟桃李花正爾表

松筠殷此往復情能不貴吾身

牛鬥湖夜泊

東風吹月上清輝湖上多菱苗乍出水蕩漾已停波清景
接幽懷忽動鄉思何此時柴門外楊柳正婆娑呼與舟子
語睡中答時訛含情若有贈嫋嫋起漁歌

采菱歌

采桑南陌頭果得一疋素阿孃從賣與青紅任行路采菱
南湖土素手爭織織不有四角尖郵得中心甜
里有餞菊會不赴賦留菊

秋風一蕭瑟已過重陽時不飲餞菊酒却吟留菊詩齊情

沈四山人詩錄 卷五
欣爛漫獨賞在貞奇但留莫踟躕卓此霜下姿

白題畫蘭

甲辰

又是春光欲暮時峭寒牽住雨絲絲一腔清怨無人會寫
出幽蘭說與知

棟花

棟花開過了花事結餘春綠陰圓作蓋擎著待行人

偷閒

偷閒隙農務方知夏日長獨來谿上立灑面柳風涼

夏夜

夜氣降庭宇涼生不風吹悠然坐檐下髮散還襟披日無

耕作勞此適亦不知星芒斂河漢雲影橫參差不雨已數
日雨又將其時清光忽飛來得月如得詩

同聽濤訪菊

只掃千林葉西風不掃愁黃花何處好綠蠹幾家浮淹我
無佳興因君得勝游幽蘭有同慨分任管春秋

聽濤舉消寒會招飲不果赴越日以詩見示次韻

纔見歸雅點樹梢旋聞街柝已頻敲君能招我憐孤鶴春
欲將梅起凍蛟帷燭影搖花弄暖甕醅香溢箸開包懸知
此會饒歡樂賸和新詩手自鈔

述懷一首寄冶伯

志士稟名節達人畧行藏同此耿耿在不以困阨移貞剛
動遭鄉里笑不受薄俗憐我生託何所衣食幾雙田傾家
力作不稍惰但有歉歲無豐年何必希往哲晏如任屢空
兒啼飢妻忍凍不生內愧非人情可惜愛中日月送故人
有徐子高義薄天雲幾欲拯之苦無力時馳書札通殷勤
云有衆善堂招我相扶將男兒何能佛鬱死且來此地同
倘徉斗南一榻許高臥忽忽梨花三易霜安得仍耕田并
畝苟免飢寒勝奔走三時得暇會吾友此中樂事無不有
嗚呼此願誠非奢何處人間覓升斗

一春乙巳

雨歇跳珠風歇絲淡雲含日弄晴姿一春纔覺忽忽過看
見楊花墮地時

春日偶述 丙午

濩落依然是散材東風吹暖又春開貧非極處甯知味詩
到真時不見才永晝只邀花展對清宵還與月徘徊日謀
一醉渾難事門外何人送酒來

春日示兒子由中

忽忽吾衰矣餘程已可量青春爲樂短白日忍飢長遠抱
古人志近羞時世妝詩書與田畝勉爾莫蕪荒

夜起

耿耿不能寐披衣起徬徨煙月若有待當戶停幽光離披
竹影薄厭浥露氣涼一爽徹肌骨輕擬凌風翔白雲橫遠
空緘情與之長違計明日炊渾欲身世忘

新秋

秋來何處不可蹤餘暑猶扇東南風小雨疏疏止還作宛
然釅出新秋容經年一別清如故莫便蕭條且停步夜庭
明月皎斜光絡緯無機織流素

呈小浮山人潘功甫

曾沂

更看餘子但紛紛温勁清超果不羣入世自然難強合登
堂深幸挹清芬稻田畝蔬半卑眠畝松竹三分水二分

此願未知何日遂君能成我卽成君

谿上獨立

已是涼如許秋來漸有邊閒循谿岸曲獨立晚風前嘔水
知魚樂凌空羨鳥翩會心何必遠不覺一悠然

有感

薄人人薄且糊塗胸有千秋耿不孤留得一方温潤玉蒼
茫求買眼中無

立馬雪中看嶽色圖爲張叔題

悄然立馬獨傷神不見來人與古人意氣終期凌絕頂一
天晴雪壓征塵

郡城過冶伯寓齋

竟欲吹簫乞吾生大可嗟臨風念徐子覓路到文衙小膳
供香粥新詩味苦茶書聲催客去分手卽天涯

寄芝田

寂寞何知身後名一犁亦足了平生蒼茫客館相投夜輸
與蝸牛負屋行

丙午冬杪過黎里弔山民先生之喪宿種瑤齋悽然
有作

公澤在鄉里公名天下聞老懷娛小圃傳世富遺文一宿
淅淅雨三年渺渺雲窮途惟有淚持以答徐君

次韻和小浮山人探梅

得春深淺試探梅枝北枝南次第開有待成陰齊結子調
羹滋味各嘗來

和小浮山人鳳池園閒步次韻

今朝纔得雨四野想歡聲麥看欣欣處珠跳顆顆明一回
臨水立幾度遶闌行此際君應樂中含及物情

清虛室有述

不動朱門蓬戶心不分城市與山林倚檐老樹作春色掛
壁枯桐含古音早起猶煩園鳥喚遲眠重味夜鐙吟小浮
真樂無人識我覺年來漸可尋

題自畫紫蘭

春風不遺幽僻空谷無人自開多此一番拘束是誰引出
山來

貧况

遮窮諱苦亦徒然欲訴還休更可憐昨夜舉家聊啜粥今
朝過午未炊煙強顏且去賒升合默計都無值一錢誰信
先生誰不信禦寒無被已三年

夢游山吟

時讀江山風月集

不著謝公屐翩然一身便輕衫不有濟勝具白雲為舟風
為帆飄而墮者此何處蒼茫自覺非人寰羣峰相倚正酣

睡呼且不忍何可攀流泉自是非靜者乃更石罅鳴淙潺
以此羣峰漸驚醒絕似美人立成班為余一一窈窕開煙
鬟何來老翁行槃跚右扶綠玉杖左攜采藥籃以杖卓地
笑而語斯即君之舊游穹窿山老翁語罷失所在化為磐
石當前排朦朧聊且坐磐石只餘坐處無莓苔依稀忽聞
白鶴喚不道鄰雞唱曉方喈喈

楊花曲

春事闌刪三月暮楊花撩亂滿天涯竟欲迷住春歸路縱
能迷住春歸路回頭已被東風誤

輕寒

輕寒不著意側側復修修添出一庭雨差如八月秋林花
唳宿恨絲柳貫春愁安得飄然去江湖放葉舟

竹枝歌

爲問郎情幾許長裁衣小尺可能量儂情不與郎懸擬
子花開心裏香

子規

東風吹破楊柳煙子規鳥啼聲可憐安得一鳥化百百化
千一一嘯向游子前

待月

我不能奮身躡雲出霄漢又不能拔刀揮斷行雲根拉雜
時灑數點雨閉置明月不得開黃昏空齋惓惓靜如水一
曲欄干峭寒裏明月隔雲聽雨聲想見清寥亦如此欄干
倚徧空自憐春風不到欄干前殘燈如豆死不盡半壁依
約生寒煙霹靂一聲鐙花爆鐙煙如雲復嫋嫋此時羣籟
并寂然雨點漸收天漸曉曉色欲破猶陰霾橫雲卻向西
南開不信明月猶未墮斜光直入欄干來一似相思不相

見闖然忽見故人面

野人

野人不知姓居野以野名坐使禽獸草木臣一靈果能腹
羣情著衣思織紡喫飯思耨耕嗚呼先野人大於飢寒費
經營野人一一守成法愚蒙亦得全其生

使牛歌

牛甘以食牛不飢牛勤以力牛不肥將以問食邪將以問
力邪

遲芝田不至

游雲東西不自主散了閒閒還復聚情知今朝晴亦難溟

濛果下一庭雨雨點細碎飄若煙莓苔綠潤顏色鮮此時
野徑未必滑君但能來行可前近無一事閉門好世上幾
人鑒懷抱近有三句五句詩端要君來斟酌之待來不來
坐看雨卻從煙裏縑成絲

谿上

鶴與一身瘦病懷別離緒聊從緩伊鬱行吟遶谿渚春來
曾幾日柳綠復如許時見荷鋤人恩恩不暇語默默念田
事而我欲何與

歲暮述懷

不信竟如此紛紛債莫償何顏對親友畱眼看滄桑喜捧

沈四山人詩錄 卷六
三
毛生檄羞垂杜老囊長貧終未必強健祝高堂

屠君元飲好鶴楊君元絜能彈琴兩人者同巷居數年未
相知也元飲居元絜對門洪髯顛家課徒主人好吟有逸
致喜藏書畫古琴元飲恒宿館中無事不輕出前年春平
樾峯大令贈余二鶴元飲亦得其一蓄之其家小草菴自
此每一思鶴必出出必來視余船菴之鶴一日與余對鶴
思彈琴余因道元絜之能琴並及其所選沈山人詩遂往
訪焉一見之後欣然如得鶴且請觀山人全詩以聞之髯
顛願任劖劂元飲爲之校勘數月歲工蓋其相賞於琴詩
鶴三者之間悠然而意遠快然而各足然則元飲與主人
之賢爲何如也庚戌五月小浮山人潘曾沂識

之賢為可也此夷史正且小智山人番會飛篇
壽三春之間熱然而意豈非然而各呈然限示將與主人
願願升階風天冷為之蘇堪樓且蔬工蓋其味賞然琴清
舊誦一泉之翁况然吹骨蘇且請購山人全壽以聞之講
思觀琴余因並天裝之流琴並及其浪毀亦山人請後去
此番一思辭必出出必來願余破香之壽一日與余權講
謝峯大令領余二壽天冷亦其其一蓄之其案小草蘇自
庭喜燕書畫古琴天冷則商韻中無事不彈出前平春平
賦賦出天冷天樂機門共津頭案藉於主人致令首發
願示天冷天樂天樂天樂天樂天樂天樂天樂天樂天樂天樂

沈四山人詩錄

附錄

用涪翁早春韻簡沈山人二首 吳江徐達源

懶向珠簾歌子夜却來僧寺問花之廿年身世偏多感不

獨蕭蕭兩鬢絲

酒懷大有相如渴夢裏時還一中之計日江干同撥櫂隔

煙先認柳絲絲

題沈山人詩錄即用集中韻

自君客黎里兩遇花生辰得酒意真率每自稱野人暇日
弄柔翰獨哦佳句新淡然味無味如食秋湖蕪卷中田家

語彷彿圖繪陳坡公和陶作並足垂千春所嗟工詩者境
遇多艱辛工甚必窮甚此例君乃循安得數弓地種梅兼
種筠與君歲寒共樂善終其身

割股詩紀秋卿事

時癸未六月

元和嚴兆鶴

愚人愚事猶可及智人愚事爲難得之子容顏如飢鶴貌
冷心酸頽然獨與我結交二十年往往相對無一言招我
茅堂塵滿榻主人伸腳先懶眠誰知家庭未渠識淚洒千
秋一奇絕前年阿母背發疽欲潰不潰徹夜呼吮癰小臣
足可鄙得之孝子談者喜其時六月溽暑蒸炎風吹蟲慘
五更燒燭燭臭光閃血拔刀出視天爲驚快哉割股如割

雞著手卽落不得嗚奉之阿母母曰甘扶杖起行十日間
聰明心孔千首詩平時久立愁風吹孝子才人一身兩何
太不廉年少癡我作歌歌聲長惟其寸膚絲髮不敢毀傷
者乃能一割不痛神洋洋

過楓莊訪沈山人秋卿同徐冶伯嚴芝田作

震澤趙筠

尋師更訪友催權過楓莊夕照人三影幽居水一方韜光
敦稼穡抗志詠滄浪相對忘言坐茶煙細細香

贈沈詩華

梁山劉泳之

甫里沈詩華奇士也隱于田間孝友敦誼喜爲詩

靄然春雲舒卷自如積至數十百首往往得陶韋
疎散之趣家貧爲人力田名迹甚微意又落落難
合雖鄉里間竟未有知者豈出處不同若古來杜
五郎然是可異也讀其詩復重其爲人若爲表而
出之請侯之賢士大夫云

體道得舒卷至樂并在君緬懷紫芝客目送溪南雲浩歌
動金石興焉且成文不見馳車者終日植杖耘

題沈山人詩時方閱復初齋集偶學其體

吳縣潘曾沂

沈四山人集吾知勝自知有心哉擊磬無適也爲詩泉味

評輕重漁歌忘卽離奈何一相對用山人句猶失古之奇

次韻酬沈山人

卻愧到來生隱心豈眞瀟灑似雲林陳三居士閉門法沈

四山人空谷音不薄菰煙拳鷺足未交穀雨記蟬吟憶乙酉三

月坐鳳池亭聞蟬時未交穀雨也此間卽是衡茅下陶令餘花儻可尋

絕句答謝沈山人

多蒙相頌作鹽梅更許成陰花盛開欲報山人眞實處稻

田松竹上心來

喜沈秋卿四丈過舍卽事賦呈 吳江徐寶浣

晨鵲噪庭樹客來自楓莊阿父時在郡大父掃榻忙我從

塾中返一見喜欲狂憶昔寓甫里大水田萊荒斗粟錢五
百筆未艱資糧先生篤友誼周急爲解囊何期十餘載窮
亦冠一鄉比歲多盜患富室厄虎狼不如窮餓士高詠聲
琅琅可知貧是福天道非渺茫餘技寫蘭草詩思同其芳
願言葆晚節傲彼深秋霜

題沈山人遺集

元和江文鳳

隴畝無知己偏來衆目狂神游華氏國行感斗中王君有
嘗刳股以
療母病詩格追元亮家風識彥方銀鐙時一剔展卷淚
先滂

不奈田園棄長鑣寄此生甘泉勤遠汲苦口勸同耕胸寫

千枝蕙堂開一樹荆祇林憐稚子待繼九僧名

君幼子致
中今爲保

聖寺
僧

聞沈山人遺詩梓行有日率題集後

長洲江宸瑛

一別渾如雨傷懷宿草存乍疑雲出岫忽訝鶴辭樊天就
苦吟句朋空舊酒尊千秋魯望後長使慰潛魂

余始未識山人丁未春小浮先生館余蘿蔓峯舍招
山人同宿賓館一月而山人病病歸不復至越月
人傳其已死小浮序錄其詩因爲題句云

元和汪毓沈

幽風未斷絕稼穡先能知為農有恒心儒冠方愧之山人
 農而士孝友和堯箴論詩貴天然雕飾無所施真有歸田
 心無異乞食時小浮一相見珍重為扶持入門得所託鸞
 鳳相追隨饋饌酌尊酒同折梅花枝晚臥一牀席燈燭話
 歡悲是時東園子小江同下帷東園鹿門時從余遊助我勵同學舉
 步不忘規悽涼麥苗秀局促歸耕遲依依輕舟去一別無
 後期蒹葭發秋水猶夢君來思詩篇好留讀婉變傷斯飢

追悼沈山人即題集後

吳縣楊白

薺麥青青我獨愁一竿誰更釣槎頭孤墳已傍松根出明
 月還來江上求生有何人知冀缺死無遺被蔽黔婁禦寒無被

已三年山人願攜卮酒澆君土安得樵風為引舟

吟到游山鬢已絲山人有夢游山吟一鋤始與手長辭漫傷耕耨

無成業畢竟飢寒有盡時燈火遠勞三夜夢親情深愧十
 年知棠梨如雪應回首記得春風不我私春風不我私絲我門前柳山人

新春言懷詩句也

題沈丈秋卿遺集

元和江浩

古人作詩重性情今人作詩惟釣名朝榮夕萎同木槿詡
 奇節藻相營營公詩一出百家廢有如皓月開新晴重雲
 掃盡天宇澈水容澹蕩羣山青青春回首梅花林我坐讀
 書公行吟伊唔自覺千祿鄙賴有月簾清我心嗚呼我公

不再作俛仰三年如轉轂茫茫長夜夢難尋請爲作歌當
一哭

手鈔亡友沈山人詩竟題後

吳江徐晉銘

南宋誠齋詩我家昔重梓君幼嗜之深得句輒神似道光

紀元春吾父寓甫里編詩友古人自唐天隨始先父居甫

里中遺詩成甫里詩編一書計二十卷君稔吾父名欣焉色爲喜所居楓莊

橋相去又伊邇美人願自矜肯來復停趾及余游粵歸訪

君稻香裏一飯歡主賓兩情譬兄弟猗猗護草花將母竭

甘旨母嘗患背瘡痛甚徹骨髓求醫翼速痊醫云莫如錫

君曰是不難兒時熟此技吮若乳汁然腥穢溢唇齒毒盡

元氣虧奄奄伏牀第拔刀夜鐙前天神皆下視割股雜藥

中一啜母病起事在癸未夏嚴子兆鶴有詩紀是年值水

荒我貧室如洗手貽十餅金令我免鼻恥是雖友誼常難

君亦貧士白雲停遠空峩峩兩峯峙風來盪其根一行還

一止我歸梨花邨君隱吳淞浹相思遙相望蒼波極渺瀰

豈知十年間君困遽爾爾霜晨餐有英雪夜臥無被我聞

白於父尺素寄江鯉有堂曰衆善一榻拚以俟扁舟君果

來吾父爲倒屣三年出入偕善行互礪砥冷屋調病嫻荒

瑩享餒鬼籍籍沈老佛君爲衆善堂司租佃戶感得譽兼

得毀拂袖歸田園傭耕力耒耜丙午吾父沒君來弔靈几

草堂信宿留悲歌隕寒涕明春杏始花吹簫踏吳市寓門
辱惠臨此別長已矣嗚呼有生累所急衣食耳植身窮餓
中生固不如死君性抱孤芳寫蘭以自比甯斷孝緒炊不
受胡奴米線君生平行貞士而孝子結習耽苦吟澹如秋
潭水陶公五字詩超超寓名理少小師誠齋七言蓋胎此
前年楊獨石白刊行擇其美已窺豹一斑惜尙非全體遺
稿何叢殘不啻蠶食李殷勤爲手鈔搦管僵我指次效乙
去魚訛防亥淆豕三百廿七章卷帙備首尾名重吳下
價高洛陽紙定文吾豈敢聊用答知己自君爲陳人妻孥
更奚恃宿草青復青光陰白駒駛吾方居父憂祥琴舛宮

徵迄茲三載餘始得一言誅君名當不磨我懷何能已悲
鴻天際鳴窗鐙落圓藥

道光庚戌立夏前五日從屠子元飲齋頭獲觀山人
是編因攜歸細讀愛其清新閑適并題一詩以識

心賞

吳縣王汝玉

秋水芙蓉妙境開何須雕飾絕塵埃先生自道非虛語詩
到真時不見才

丁酉春余下車甫里采訪實行里耆爲余述沈孝子
事甚悉心焉慕之初未識其人也癸卯秋過江補
松齋中適見山人詩藁讀之如聽仙樂耳暫明一

洗人間箏笛耳公餘多暇扁舟過訪山人因事入
城不獲見心殊憮然今聞二三高雅哀輯遺詩廣
播藝林誠盛舉也因錄舊作題後以誌欣嚮云

海南林觀光

夙欽孝友播家聲載酒丹楓一棹橫月且早逢嚴助賞謂康
民先况君詩格入梅清

補松以沈山人詩見示題後

元和宋清壽

鳳池園裏景催詩江筆潘花兩繫思即用小浮山人句為想天隨
舊杞菊酒壚未過涕先洩

校畢沈山人詩因題一絕

元和屠蘇

知音得遇洪駒父收拾叢殘盡付刊我自借窗親覆校惜
無孤鶴與同看余鶴逸去已久讀小浮山人跋因念及之異書編就鶴同看宋許棻句也

沈山人像贊

長洲彭翊

孝子之行潔白其心孝子之詩冲穆其音我陳祖德鶴和
在陰君能高尚允式來今

敬題沈丈秋卿遺像

元和江浚

猗歟先生今逸民氣和行粹含古春翛然野服清出塵入
世但結農家隣耕田不熟詩入神忍飢詠古終其身甫里
之郊吳淞濱陸魯望後傳斯人

之液吳越寶樹曾望對朝霞人

可卧蘇興家翻耕田不瘠精人輒感贈病古辨其良甫里

益煥决主今幾月餘味不辨合古春翁然裡親齋出壘人

遊賦詠火炳噴散射

云味其爽

并創吾道高尚介方來今

率于之計將白其心率于之語中感其音非朝賦詩味

武山人詩贊

是勝道賦

無底歸與同春又文與曹謙同春宋有裴會也

吟音哥賦將歸父外餘董經盡於肝廷自昔寄隱憂茲世

